

Na osnovu člana 13. Stav 2. alineja 17. Zakona o principima lokalne samouprave u Federaciji Bosne i Hercegovine („Službene novine F BiH“, broj. 49/06) i člana 18. Stav 1. alineja 3. Statuta Općine Olovo („Službeni glasnik Općine Olovo“ br: 2/07 i 4/08) , Općinsko vijeće Olovo na svojoj XXXIII redovnoj sjednici održanoj dana 13.06.2012. godine, donijelo je

## **ODLUKU** **o izmjenama i dopunama Poslovnika o radu Općinskog vijeća Olovo**

Ovom Odlukom vrše se izmjene i dopune Poslovnika o radu Općinskog Vijeća Olovo („Službeni glasnik Općine Olovo“, broj:2/08) kako slijedi:

### **Član 1.**

U članu 20. stav (1.) se briše i zamjenjuje riječima „Predsjedavajući Općinskog vijeća može biti u stalnom radnom odnosu u Vijeću, ako je to predviđeno Statutom Općine Olovo, inače funkcija Predsjedavajućeg Općinskog vijeća neće biti profesionalna.

Funkcija Zamjenika Predsjedavajućeg Općinskog vijeća nije profesionalna“.

### **Član 2.**

U članu 23. stav (1.) iza riječi „koalicija“ briše se slovo „i“, a umjesto njega stavlja se interpunkcijski znak „zarez“, a iza riječi „nezavisnih vijećnika“ briše se interpunkcijski znak „zarez“ i zamjenjuje slovom „i“ iza kojeg se dodaju riječi „samostalnih vijećnika“.

U članu 23. stav (2.) brišu se riječi „dva“ i zamjenjuje riječima „tri“.

U članu 23. dodaje se stav (4.) koji glasi „klubovi vijećnika imaju predsjednika i zamjenika predsjednika koji koordinira rad sa drugim klubovima vijećnika“.

U članu 23. dodaje se stav (5.) koji glasi „status samostalnog vijećnika utvrđuje Općinsko vijeće na prijedlog Komisije za statut i propise, a na osnovu validne dokumentacije ili saznanja“.

### **Član 3.**

Član 24. se briše.

### **Član 4.**

U članu 28. stav (b) briše se tekst iza riječi „u OV“ i dodaje tekst „ili njihovi zamjenici“.

U članu 28. stav (c) i stav (d) se brišu i dodaje novi tekst koji glasi „sjednicama Kolegija Općinskog vijeća obavezno prisustvuju Općinski načelnik i sekretar Općinskog vijeća bez prava glasanja i naknade za rad u Kolegiju Općinskog vijeća“.

## **Član 5.**

U članu 56. stav (1.) iza riječi „godine“ iza interpunkcijskog znaka „tačka“ stavlja se „zarez“ i dodaje tekst „a obavezno prije usvajanja budžeta za narednu kalendarsku godinu“.

## **Član 6.**

U članu 63. dodaje se stav (2.) sa slijedećim tekstom „izuzetno, u hitnim slučajevima, Predsjedavajući Općinskog vijeća može sazvati sjednicu Vijeća u roku kraćem od 8 dana, a dnevni red predložiti na samoj sjednici.“

U slučaju iz predhodog stava Predsjedavajući može sazvati sjednicu Općinskog vijeća telefonom ili na neki drugi način.

U članu 63. dodaje se stav (3.) sa slijedećim tekstom „ukoliko je sjednicu vijeća sazvala 1/3 vijećnika, ti vijećnici predlažu dnevni red sjednice koji se usvaja nadpolovičnom većinom, a sjednicu vodi Predsjedavajući Općinskog vijeća ili njegov Zamjenik“.

## **Član 7.**

U članu 72. stav (1.) iza riječi „prijavili“ dodaje se tekst „a prijave za riječ mogu da se podnose do završetka pretresa, a Općinski načelnik i drugi učesnici na sjednici riječ mogu dobiti nakon iscrpljenih diskusija vijećnika“.

## **Član 8.**

U članu 73. stav (1) iza riječi „vijećnika“ dodaje se tekst „Općinskog načelnika“, a preostali dio teksta je isti.

## **Član 9.**

U članu 76. stav (5.) se briše.

## **Član 10.**

U članu 82. stav (2.) iza riječi „Načelnik i“ briše se tekst „predstavnik kluba vijećnika“, a stavlja se riječ „vijećnici“.

## **Član 11.**

U članu 97. dodaje se stav (4.) koji glasi „sjednice Općinskog vijeća se javno prenose putem radio ili TV emitera“.

## **Član 12.**

U članu 108. dodaje se stav (3.) koji glasi „inicijativa se upućuje Predsjedavajućem Općinskog vijeća“.

### **Član 13.**

Član 109. se u cijelosti briše.

### **Član 14.**

U članu 113. stav (1.) riječi „općinske službe za upravu“ se brišu, a umjesto toga se stavlja tekst „sekretar Općinsko vijeća zajedno sa resornom službom po prirodi predmeta – akta“.

U članu 113. stav (1.) iza riječi „subjekti“ dodaje se tekst „a isti princip saradnje se primjenjuje kod rada radnih tijela Vijeća“.

### **Član 15.**

U članu 120. stav (3.) se u potpunosti briše, a zatim se stavlja tekst „Komisija za statut i propise razmatra prijedlog odluke i podnosi vijeću izvještaj sa prijedlozima i mišljenjima“.

### **Član 16.**

U članu 142. stav (1.) iza riječi „OV“ dodaje se „i uređenje internet stranice Općinskog vijeća“ a ostali dio teksta je isti.

### **Član 17.**

U članu 163. stav (1.) iza riječi „uspješno“ briše se interpunkcijski znak „tačka“ i dodaju riječi „i to nadpolovičnom većinom ukupnog broja izabranih vijećnika“.

### **Član 18.**

Ova Odluka stupa na snagu danom donošenja i bit će objavljena u „Službenom glasniku Općine Olovo“.

Broj: 01-01-2- 1384/12

Datum: 13.06.2012. godine

**PREDSJEDAVAJUĆI  
OPĆINSKOG VIJEĆA**

**Dr. Golijan Dragan**